

## **Anstaltini ataasiuttarissaNut inissiisarnermut nalunaarut**

Kalaallit Nunaanni Pinerluttulerinermi inatsit nr. 306 30. april 2008-meersoq § 223, imm. 7, aamma § 245, Imm. 4 naapertorlugu aaliangersarneqarpoq:

**§ 1.** Pinerluttulerinermi inatsit § 223 naapertorlugu anstaltimi isertitat ataasiuttarissamut inissinneqarsinnaapput.

*Imm. 2.* Nalunaarutip matuma perorsaaviup aaliangiineri makkununga ilaangillat

- 1) isertitaq torersuunissaq- aamma isumannaassuseq pillugu akunnialuit ataasiuttarissamut inissinneqarsinnaassasoq imaluunniit
- 2) isertitaq perorsaaviup akuerisaanik sammisassaqartitsinermi suliaqarumannigippat, sulinerup nalaani isersimaartarfimmiissammat imaluunniit allami isersimaartarfinni unnersuunneqarsimasumi, tak. pinerluttulerinermi inatsit § 210, imm. 3.

**§ 2.** Ataasiuttarissami inissiigallarnermi, tak. pinerluttulerinermi inatsit § 223, imm. 2, isertitaq piaartumik paasitinneqassaaq maleruagassat suut aaliangiinermi maleruarneqarsimanersut, oqaaseqarnissamullu suliamut periarfissinneqassalluni.

*Imm. 2.* Ataasiuttarissamut inissiineq sivisunerussanngilaq, ataasiuttarissamulli inissinneqarneranut suliamut apeqqutip suliarinerinnaani pissalluni. Annerpaamik ullut tallimat inissiigallartoqarsinnaavoq, immikkut illuinnartut atuutsinneqanngippata.

**§ 3.** Ataasiuttarissamut inissiinissap aaliangiiffigineqannginnerani, tak. pinerluttulerinermi inatsit § 223, pissutsit paasiniaaffigisariaqartariaqarput, aaliangiinermi tunngavilersuutaasinnaasut. Isertitaq paasitinneqassaaq allanik ikiorneqarsinnaanermik. Isertitaq aamma paasitinneqassaaq paasissutissanik, nalunaarsukkanik killisiorneqarnermilluunniit, oqaaseqarsinnaatitaassallunilu, tak. imm. 5 aamma 6.

*Imm. 2.* Killisiuisoqarsimappat, killisiorneqartup naalisakkap akuerinissaanut periarfissaqassaaq, naalisakkamilu takuneqarsinnaassaaq killisiorneqartup naalisagaq akuerisimagaa. Killisiuineq sulisunik marlunnik nakkutigineqassaaq.

*Imm. 3.* Oqaaseqaasuortoqassaaq, pisimasunik uteqqiisumik, nalunaarutit ilanngullugit, killisiuisoqarsimappallu killisiuinerit ilanngullugit, aaliangiinermi tunngavilersuutaasinnaasut. Oqaaseqaammi ilaassapput aaliangiinerup inernerit, tassungalu tunngavimusimasut.

Tunngavilersuutaasuni ilaassapput inatsisinut innersuutit, aaliangiinermi atorineqarsimasut, aaliangiinermilu suut najoqqutarineqarsimanersut, soorlu pisut allattorsimassasut, aaliangiinermi tunngavilersuutaasimasut allaqqassasut. Oqaaseqaammi aamma ilaassapput paasissutissat

- 1) qanga aaliangiineq tunngavilersuutillu isertitamut nalunaarutigineqarsimanersut,
- 2) isertitaq paasitinneqassaaq suut inatsisit aaliangiinermi maleruarneqarsimanersut, aammalu
- 3) isertitaq paasitinneqassaaq aaliangiineq Pinerluttunik isumaginnittoqarfiata ittuanut maalaarutigisineqarsinnaammat, qaqugulu maalaaruteqarnissaq killeqarnersoq, tak. Pinerluttulerinermi inatsit § 245, imm. 1.

*Imm. 4.* Isertitap piumasarippagu imm. 3-mi eqqaaneqartoq oqaaseqaat assilineranik pisinnaavoq, tak. imm. 5.

*Imm. 5.* Allagaatinik takunnissinnaatitaanermut piginnaatitaaffik killilerneqarsinnaavoq, ingerlatsinermi inatsisiliorneq naapertorlugu, ima annertutigisumik killilerneqarsinnaavoq, pineqaatissinneqartup allagaaraq pisariaqartitaminut atorsinnaanera ningorterniarlugu, namminermut allanulluunniit namminersortunut imaluunniit pisortat soqutigisaannut,

assersuutigalugu perorsaaviup isumannaatsuuneranut, imaluunniit inuinnaat illersorneqarnerannut aalajangiisuusinnaammat.

*Imm. 6.* Isertitaq illuatungip allagaataanik takunnissinnaatitaanngippat, ingerlatsinermi inatsit naapertorlugu, illuatungiusoq tusarniaaffigineqassanngilaq.

**§ 4.** Isertitat ullut 14-it sinnerlugit ataasiuttarissamiissimasut, annertuumik pisinnaatitaanerminnik neqeroorutinillu siunnersorneqassapput, manna nalunaarut § 5-lu naapertorlugit. Tarnikkut peqqissutsip artorsartinnissaa millisarniarlugu, ataasiuttarissamiinnermi takkuttartoq, sulisut nakkutigisussaavaat isertitaq ullut 14-it sinnerlugit atasiuttariissamiissimasoq, sulisunik nakkutigineqarnissaminik pisariaqartitsinersoq, nakorsamiit takuneqassanersoq, tassunga ilanngullugu tarnip pissusaanik nakorsamik il.il takuneqassanersoq. Sulisut nakkutigisassaraat inissinneqarnerup sivitsoriartornerani pisariaqartitsineq annertusiartortarmat.

*Imm. 2.* Isertitat ullut 14-it sinnerlugit ataasiuttarissamiissimasut pillugit, sulisut immikkut eqqumaffigissavaat, isertitap torersuunissaq isumannaassuserlu pillugit perorsaavimmi naapertornerai ajoqusiisoqarsinnaammat, soorlu

- 1) isertitat ataatsimoorneranni isersimaartarfimmi imaluunniit ungalukkat iluani aneernermi,
- 2) ataatsimoorlutik sulisinnaassammata,
- 3) sunngiffimmi sammisassani isertitaq ataaseq amerlanerilluunniit ilagalugit imaluunniit sulisut ilagalugit.

*Imm. 3.* Isertitat ataasiuttarissamiissimasut ullut 14-it sinnerlugit, aammattaaq

- 1) aaliangersimasumik piffissani sivirusumik oqaloqateqarnissaanik assersuutigalugu palasimik, nakorsamik imaluunniit tarnip nakorsaanik neqeroorfigineqartassapput, aamma
- 2) immikkut ittumik kisimiilluni ilinniarsinnaasariaqarpoq sulillunilu, uani ilaapput sammisassaq akuerisaq, tarnikkut peqqissutsikkut artorsaataasinnaaneranut millisaataasinnaasoq, ataasiuttarissamiinnermi takkussinnaasoq.

**§ 5.** Isertitaq qaammatit pingasut sinnerlugit ataasiuttarissamiissimasoq, § 4-mi neqeroorutit saniatigut sapinngisaq naapertorlugu nalilersuilluarnerrullu kingorna pineqartup piumasai torersuunissaq isumannaassuserlu tunngavigalugit neqeroorfigineqassaaq

- 1) isersimaartarfimmik immikkut atortorissaarutilersukkamik, aamma
- 2) periarfissaqassaaq sivitsukkamik pulaartoqarnissaminut.

**§ 6.** Isertitat 18-it inorlugit ukiullit, qaqutigoortumik ataasiuttarissami inissinneqarsimasumi katillugit sapaatip akunneri sisamat sinnerlugit inissinneqarsimasuni, isertitallu 18-nik ukiullit sinnerlugilluunniit ukiullit, ataasiuttarissami sapaatip akunneri arfinillit sinnerlugit isertitsivimmiissimasut, §§ 4-mi 5-milu eqqaaneqartuni sammisassani saniatigut minnerpaamik akunnerit pingasut ullormut inunnik ilaqartinneqartassapput.

*Imm. 2.* Perorsaaviup ittua imaluunniit tamatuminnga piginnaatinneqartoq, sapaatip akunneranut ataasiarluni isertitaq suleqatigalugu pilersaarusiorneqartassaaq pineqartoq sammisassaqartinniarlugu imm. 1 naapertorlugu.

**§ 7.** Ataasiuttarissamiisitsineq unitsinneqarpat, tak. pinerluttulerinermi inatsit § 223, imm. 4 siulleq, oqaaseqaasiottoqassaaq ulloq nalunaaqutarlu ataasiuttarissamiisitsinerup naammassineqarnerani allanneqassaaq.

*Imm. 2.* Perorsaaviuttaaq isumaliuutiginnissimanera pinerluttulerinermi inatsit 223, imm. 6, aappaat naapertorlugu oqaaseqaasiortoqassaaq tamakkiisumik imaluunniit ilaannakortumik ataasiuttarissamiisitsineq unitsinneqassanersoq, tassunga ilaassapput ulloq nalunaaqutarlu isumaliuutiginninnermi.

§ 8. Isertitaq sapaatip akunneri sisamat ataasiuttarissameereersimappat, Pinerluttunik isumaginnittoqarfiup ittuanut nalunaarutigineqassaaq. Assiganiq nalunaarusiortoqassaaq sapaatip akunneri sisamat naaneri tamaasa. Nalunaarusiornermi ilaassapput suliami oqaaseqaatit assilineri ataasiuttarissami inissinneqarnermi.

§ 9. Nalunaarut atortuulersinneqarpoq, ulloq 1. januar 2010.

*Kalaallit Nunaanni Pinerluttunik isumaginnittoqarfik, ulloq 7. december 2009*

THOMAS NICOLAJSSEN